

四庫全書

集部

欽定四庫全書

文苑英華卷七百二十六 宋 李昉等 編

餞送九

送竇拾遺赴朝廷序一首

送韋拾遺歸嵩陽舊居序一首

奉送劉侍御赴上都序一首

送周司直赴太原序一首

送前長水裴少府歸海陵序一首

送皇甫七赴廣州序一首

送張三十二昆季西上序一首

送鄭子華之東陽序一首

送靈沼上人遊壽陽序一首

送沙門鑒虛上人歸越序一首

送皇甫尊師歸吳興卞山序一首

送元錫赴舉序一首

送薛評事還晉州序一首

送袁校書歸祕書省序一首

送崔副使歸洪州幕府序一首

送韋十六進士及第後歸東序一首

送盧端公歸巴陵兼往江夏謁大夫序一首

送盧端公歸恒州序一首

送盧侍御赴王令公幕序一首

送竇拾遺赴朝廷序  
梁肅

至哉聖人在穆清之中注意左右獻納之臣於是扶風

竇拾遺易直

四字集  
作遺直

由華陰令擢拜左拾遺詔下之日

士大夫相見而喜曰遺直舉矣直道其行乎頃之會國

家舉風力以變元氣闡文明以張四維上曰五諫寂寥

七臣安在由是獻可弼違者悚以奉職夫君亦朝服賁

然時然後行七月初吉整車祀輶安定梁肅舉觴以祝

曰夫有其道而不得其位得

集作  
有

其位而不得其時昔

人所以為歎也君以懿文當百寮師師之盛履王臣蹇

蹇之位行見夫束帶彤墀之下高議明堂之側宣上德

抒下情唯夫子集作是望彼吟咏天風騷優游平勃  
之事又曷足為長者言耶非歌詩無以見惜別之志不  
可以不賦

送韋拾遺歸嵩陽舊居序

高人出於華族冠冕處乎山林於士儀見之矣在魏周  
際逍遙韋公語默之間全清淨之道間餘二百載之子  
以純懿貞粹追烈祖之蹤一門清風獨集作映今古可  
謂全美也已初士儀與孔君述眷同隱于嵩丘上嗣位

舉逸民孔以諫議大夫徵且調護太子乘輿還自漢中  
吾子方倘佯於松桂之下鶴板入谷拜左拾遺固辭獻  
納之任遂有江湖之適議者稱孔之兼善吾子之自得  
出處一轍消息同符然後知刻意而高待時而動者俱  
失其道理矣揚州刺史杜公蘊伊邵之望悅禽息之風  
士儀依仁游道幾歷寒暑既浩然有歸思乃忽乎以將  
行予嘗同召諫官同被儒服所不同者執李公之御與  
蹈潁陽之塵而已會脫韉鎖隨烟霞訪吾子於嵒巖之

側豈或碌碌久為躁靜之異乎先書寄懷且以序衆君子考槃之什

奉送劉侍御赴上都序

才全者必幾於道志正

英華作大非

者必安於時初劉君以

文章游翰林深於文者以公幹越石為比中歲有邁世志脫畧纓弁住江湖間論者又比之阮始平陶元亮未幾詔掌柱下方書出叅蜀漢軍事俄復自適其適道岷江浮湘潭歷敷淺源而東君子謂君涉履所至擬司馬



子長遂留滯吳南以道自居其名益振其致愈遠向非才全志正又曷由光茂如是乎今軒堯在上伊傅作輔方舉賢能以熙衆職故劉君朝服賁然將如京師御史延陵包公祖而觴之且曰易傳不云立誠以居業論語不云邦有道則智吾子居可大之業當則智之時是往也將賀不暇豈愴別乎二三子尚未醉盍各賦詩以代踈麻瑤華之贈中丞既歌詩首

集作首章

命和者用古意皆

以一百字成之凡七篇

送周司直赴太原序

今年春上以副丞相鮑公領太原尹假節主河東諸侯  
北門宴閒夷夏是賴秋七月其部從事大理司直周頌

自廣陵赴焉是宜後

集作復

命禮也初朝廷謂晉陽國家

之豐沛天下勁兵所處

集作處也

故以推轂之任付鮑公公

謂三軍經用仰淮湖之餽非仁智不足任也故以泛舟

之役咨司直司直器畧宏遠文敏忠信夫文則經遠

集作

有敏則有功忠信則厚事三務既成單車而還議者謂

司直道將光大

集作大光

乎不然時之與才何其叅會也夫

躡搏風之便者其翼必大列構厦

集作構大厦

之重者其材

必廣頃鮑公由尚書卽為韓侯之佐三四年間董戎于

藩穆如清風文武為憲以司直之懿文碩畫翔集翰林

之上陵厲

集作遽

之勢不可度已非光大而何士有不佞

嘗辱盛府之召之子于役我亦

集作心

載馳因賦思鴈門

一章蓋取夫欲往從之路遠莫致云爾

送前長水

集作安

裴少府歸海陵序

前人

秋風木落臨水一望而

集無  
而字

遠客之思多矣而裴侯復

告予將歸故國傷懷贈別之詩於是乎作也夫道勝則  
遇物而適文勝則緣情而美裴侯溫粹在中英華發外  
既乘興而至亦虛舟而還與夫泣窮途詠式微者不同  
日矣若悲秋送遠之際宋玉之所以流歎也况吾儕乎

送皇甫七赴廣州序

予同郡皇甫生膚清氣和敏學而文嘗纂家範數千言

自遠祖漢太尉晉玄晏先生以還門風世德煥燿篇錄  
生聿脩之志可觀矣予聞璵璠在璞與砮砮等耳及夫  
琢而成器則價重當世以吾子之質且琢之不已名者  
公器其可避乎鎮南杜公負佐世之才有盛名於天下  
門閭之賓唯吾子屬斯往也亦以赴知己而求善價吾  
儕贈之以詩蓋勉行而已豈以遠道為戒乎唯酒可以  
破別愁衆君子不可以不醉焉爾

送張三十昆季西上序

恒衛大陸之間土厚風淳世生偉人其大名大節之後  
著於天下唯張氏為盛曩子得其叔季曰芑曰苞始冠  
章甫游翰林蓋相知矣而未深也間八九年又相遇於  
江淮間則叔也秀才登科已知名於代季也立誠居業  
為後進之表加以簡直強毅恭寬信敏文史足用弛集  
施張不窮嚮吾所稱土風偉人蓋此也今年上求士於  
四方揚州牧扶風公嘗得叔為門閭之賓因以充選議  
者謂扶風舉賢不避親叔得舉不以私則其才可知也

季屬文以氣為主以經為師慕宗伯之賢從州黨之賦則其志可知也始大歷末予應詔至京師時予伯氏以文德都絲綸之任博約之道於予最深絕絃之悲仰前修而未遠斷金之契於吾子而益厚別者集作若人所不免况予情乎凡道不合則信集作分不深言不盡則意不見序所以盡言而信道焉爾無金玉爾音焉

送鄭子華之東陽序

鄭侯身甚否而意甚泰家愈貧而學愈富言政必及王

言性必及道言文必及經而動不踰閑貞不絕俗年出三十其志未光抑有由哉夫風之行也則萬竅怒號時之止也不能動纖毳士不用則塊爾而已遇則雲蒸雨隨是牽於時而不由於己鄭侯雖有洛陽集作下之才淹中之學其如時止何傳曰美惡周必復吾子困于艱阨星幾周矣或者其將復乎子材薄體弱曩遇晉陵守獨孤公方執文柄爲當世集作時律度見視有終日不違之歎公既問服子將絕絃寢門銜悲適覩吾子子即晉陵



之出也一見而觀其禮再見而同其志志同而忘其言  
悲歎兩集而不知其止邇來蓋一紀矣詩人賦繁霜之  
月予滯于吳子游東陽當逆旅之次送乘桴之士命旨  
酒登高樓酣歌氣振人莫知者夫物不可以終聚必受  
之以散離會不紀何用文焉集作既而叙行且以見志

送靈沼上人遊壽陽序

上人形就而心和行獨而志潔辱與僕游殆二十年矣  
初用文合晚以道交淡而文文而敬他人未有知也集作

未之知也

今年春予有幽憂之疾謁長桑氏于東南上人以無住為樂將邁乎壽陽相待形骸之外相忘江湖之上比夫世間重事者不同日矣彼都人士高陽許生孟容開封鄭侯通誠皆於上人有忘言之契相集作想與夫二者道舊之暇必荷錫而遊問小山叢桂何在濠上儵魚樂否予至東越亦訪支許故事歸而於虎丘之精廬先出後期以志少別云爾

### 送沙門鑒虛上人歸越序

至人不在方實相無所住此沙門鑒虛所以順理而隨世也適遊皇都談天於重雲之殿今也于歸將休于沃

州之上

集作山

泛然則

集無則字

無事獨與道俱遇物成不遷

之論閒吟有定後之作可謂遠也矣曩予師來

集作東

越

業天台之道追石門之游爾來已十數年長松飛泉寢

集作寢

寐吟想送子于徃情如之何東南高僧有普門元

浩子甚深之友也相遇之際幸說鄙夫擾擾俗狀且當

澡灌心垢再期於無何之鄉

送皇甫尊師歸吳興卞山序

尊師以齊物為師抱神為事有年數矣外則質貌蒼古  
遺是非於耳目內則冲氣浩然卷虛無於橐籥常誦道  
德上下篇徃來吳中諸山如浮雲獨鶴自適其適吾陋  
且遁迹不暇又焉識其所以戊辰仲夏覲于山陰精舍  
于時方牧追右軍許邁之期下走集有喜字作壺丘禦寇之  
遇亦既合契於焉飽和百骸自理滓濁如洗先是師藏  
道書于卞山之下留止未幾忽乎將行不受一毫之施

且輕千里之別有以見無待之情矣予欲脫形神於鞅  
絆蹈方外之逸軌有志未就心焉集作馬火馳命養空而  
游相從於赤水之上師乎師乎斯言不苟也夫

送韋十六進士及第後東歸序

益都有司馬楊王遺風生嘗薄游西南覽其江山頗奮  
文辭歎蜀解嘲四子講德之式及夫秀士升貢有司處  
之以上第時輩歸之以高名飄飄然有排大風摩青天  
之勢今歲後四月謝諸朋游輕騎東出且以五綵之服

拜慶于

集作於

庭闈榮哉孝乎是往也予嘗與生為五湖

之游矣今則繫在柱下不能奮飛送歸如何為媿為羨  
大雅云敬慎威儀以近有德蓋雖有雜珮不如此詩輟  
而為好以志少別安定梁肅序

### 送元錫赴舉序

自三閭大夫作九歌於是有激楚之詞流於後世其音  
清越其氣淒厲吾友君貺者實能誦遺編吟逸韻所作  
詩歌楚風在焉初元之明年予與君貺兄洪俱叅淮南

軍事屬河外塵起羽書狎至每沉迷簿領之際一見夫  
人清陽則煩襟洗如也又常愛其人也澹然其靜也曠  
然其適也泛然其德無集作不與也且從賓薦之禮以赴  
揚名之期又見其志也秋氣云暮蕪城草衰亭臯一望  
烽戍滿目邊馬數聲心驚不已感離別於茲日辰集作限  
鄉關於遠道孰曰有情而不歎息傷時臨岐者得無詩  
乎

送薛評事還晉州序

符載

十八年秋七月余自潯陽來赴丞相府與評事始相值  
初揖其風貌次聆其嘉話終覽其篇詠如遊三山入仙  
洞沉深窈窳稍造異境烟霞草樹別有姿狀使人澹然  
忘歸也夫詩之所主大者存諷刺備勸戒觀風俗之美  
惡細者眇江山采雲物導性情之幽滯評事公之什才  
思凝遠高韻孤枝躍出寥廓至于天池雲飛鶴去不可  
附近尚使名聲蒨落晚歲不偶斯乃執文柄者之咎也  
薛生何有哉廣陵握手秋徃汾晉渺渺長路蕭辰氣清



想君馬上見落葉聽候鴈一吟一嘯自有遐趣亦足以  
開遊子顏也千里之別勿復恨恨

送袁校書歸秘書省序

國朝以進士擢第為入官者千仞之梯以蘭臺校書為  
黃綬者九品之英其有折桂枝坐芸閣非名聲衰落體  
命軾軻一作痾舛不十數歲公卿之府緩步而登之袁生富  
有春秋挺豪健之姿心氣剛明端行美文余始見於海  
昏抵滄浦西遊長安長安士大夫甚多之日者昌黎韓

公尹京兆朗鑒之下應鄉賦浩浩千輩生為甲冠繇是  
為聞秀才焉天官侍郎以判銓調士生涉高級繇是授  
讐校之官焉於戲人之生也患詞不脩誠不立苟進取  
行已者盡併一作生也欲逃問望傲富貴其可得乎去

年秋有休澣之請來覲于伯兄展禮于亞相棣萼增韡

韡之盛賓主得厭厭之樂道光事備青春北歸柳出一作

並帝里蘭芳省署嘯侶持觴吟弄風月一作藉藉當年

為樂如何走以嘉禮一來江夏相值於諸侯之館因得

與群彥賦祖行詩實亦從此旋歸舊隱偶長松老鶴為

度時之適豈復以華鬢為肺

一作痛

腸之慮哉中朝珪組

一作璋

君子太半皆匡廬之舊間闊久矣為余揖其休暢

也

### 送崔副使歸洪州幕府序

今四方諸侯裂王土荷天爵開蓮花之府者凡五十餘  
鎮焉以禮義相推以賓佐相高長城巨防懸在一士苟  
人非髦彥延納失所雖地方千里財富百倍一作萬有識



承本府之命大夫何公上才碩望作鎮茲地十四年矣  
急才愛士與飢渴等每賓客至登膺門下陳榻者輒損  
折威重降就禮數歡愉周旋襟期洞開况與常侍交分  
重丘山疆場連風烟見我從事暫如會面不得不留連  
繾綣以道平生之意乎繇是窮勝賞酬一作極宴醪景無  
徒盡花不浪發江夏郡東有黃鶴山山中頭陀大雲精  
舍顯師竹院惟一師茶圃又有東城石壁壁前有桃李  
樹千株澤國多雨芳華久困適值寒食前後天野晴明

衆花齊發火然雪白是日也或啣丸劍之跳躍鄙絲桐之  
嘈噴大夫乃減徒御挈琴酒相與屢遊乎其間遭石而坐  
觸陰而息雅杯徐行微微春風好鳥一聲為我笙鏞往復  
如此彌旬累晝皆所以竭主人之志盡公約之歡也明發  
理棹黯然愁慕南浦悠悠別如之何於戲古人云良辰  
美景賞心樂事四者難并今實并之矣常恐後會追之  
不及恨恨正在於此耳公約得不思之乎得不念之乎  
展布才力好輔君子以成賓主之美乃所望也副相視

事久困倦劇未能操觚抒思故小生敢於敘述冠于首章不知慙忤之無從也請咸賦春中一物為道路之志

送盧端公歸巴陵兼往江夏謁何大夫序

前人

已卯歲主君以清淨之理治洪州之三年也侍御史盧公自江夏展禮于我來之日至往之日凡甲子四馬享勞祖輒慊然不足即容之重輕可知也將行主人賦五言詩一首韻諧金石光寵道路亦命酬和璨如編玉顧

謂部從事符載序而導之云端公名泰卿作師字成業有

當世才幹瑰瑋磊落不縈苛細工為文能讀三畧六韜

觀其發論指畫規模宏拔真卓然之士也中歲輒軒竄

逐江湖萍泛雲遊二十餘年常侍於公有松栢之心有

管鮑之知故再遊長沙一至鍾陵相望益重相歡逾劇

方翻驂騑之足簸鷓鴣之翮電發千里風生九霄豈止

於實其裝橐而已哉蓋通塞有時難與命言悠悠北歸

悵望如何山有木工則度之常時而語矣況在其封域



馬載知副相必起羸發困結攬賢傑延於參畫之地寧  
使涉洞庭波視木葉落歸守蓬戶飢餓旦夕哉勉矣風  
水唯當痛飲醉高秋之別

送盧端公歸恒州序

今天子纘嗣鴻業也雨露霽然洗濯八荒藩隅安謐交  
修聘問是以侍御史盧君奉本府司空王公之命以乘  
馬玉帛展禮于我焉夫使之來也擁萬里之傳結四隣  
之歡大或議兵食細即道款曲重輕之齊懸於俯仰非

才人快士之選即何以當之端公少而能斷壯而宏遠  
練時務之畫負豪爽之聲始至也其氣直而肅其詞遜  
而婉其儀恭而和折旋應對雅會機要我太尉公悅而  
延坐與語目為雋異顏色禮數橫加其間可謂賓之秀  
發者也繇是先太師之意達賢司空之禮備曾禘之志  
也展賓主之好也深則皇華之美盡在此矣亦何必誦  
詩三百然後為得乎太尉南康公作坤維之梁柱二十  
三年矣大勲大德播塞宇宙藻籍今古迥無其曹明司

空英姿粹氣授於天造忠厚義烈繼芳前休異日也合  
德同心翊戴是思勤於王家康活民庶小子見史臣載  
事之筆濡翰流離之不暇也實近為司空拱手而遙知

端公徘徊此地久而彌暢太尉嚴館戒吏厚饋具牢

作羊

米禾芻薪亦如之唯恐其超然道別也端公感惜恩貸  
屢迴征駕自去歲之鑿冰至今歲之流火方遂其行焉  
蟬鳴嘒嘒涼飈欲動繚繞長路愁懷若何九月十月之  
交想端公下太行抵常山停車騎拂霜雪嚴城旦開矛

戟如林復命于雙旌之下赫然有光也主君以尊重之  
命下介引而叙之抽毫之際臨深履薄之不啻也咸賦  
四韻以代雜珮之贈焉

送盧侍御史赴王令公幕序

持俯仰全檢劑從容溫謹之地齷齪之士也跨時俗尚  
竒偉抗志風雲之表從橫之才也監察御史范陽盧公  
神宇聳峙襟靈爽拔脫苛細於塵垢得豪雋於意氣義  
分形於造次才畫充於懷抱邁跡遐逸與人無倫年未

弱冠為鄱陽尉。事必割間，無留及執。掩曹輩快聲，馳江西。伯常侍鮑公祭酒，李公寵以賓介之目，授以叢劇之務。政或闕漏，我能補焉。無幾何，馳車遠遊，北至恒冀。聞以利計于司徒王公，司徒器之，開深沉之懷，垂沛然之愛歡。則膠固義存，諷諭故能。不四五年，始自黃綬歷廷，許司直冠惠文冠，御史雖取恩知已，實自躡青雲之梯也。况年纔黑髮，采色照地，奮于名跡，其心嶷嶷，則氣高五白之博室，有千金之數，直大夫豪達之事，豈足

累隘目

一作日

之祖耶一昨扁舟南行次廬陵郡下適值

侍御將歸華幕幸接便道為共濟之遊話酣意密

一作察

備取賢主君之盛業歡喜失次若無所從因輒以狂瞽私自忖度以為人生於世其公者樹勲烈銘鼎萬休聲巍巍垂之無窮其私者富貴壽考而已矣今令公功德格皇天忠義貫古人地方數千里甲兵十餘萬身為上公壽方無疆英英三子殷如川瀆尚書以寬厚保師旅大夫以沉毅威暴亂都尉以才智承恩澤一門雄雄洪業

所鍾生人之美盡於斯

一作此

矣成天下之務者時也射

萬世之利者勢也若當此時抗雙旌驅四牡星馳丹陛  
對敬休命彼燕趙東平之諸侯耻不若也皆執玉帛爭  
修覲禮使純誠動鬼神之感光耀增日月之輝君臣之  
道穆穆皇皇則史冊之美又盡於此矣夫何犬戎之瑣  
細而敢為大國之患難紆令公之思慮哉侍御犀額鷲  
頷骨狀甚貴懸知是行也必能露丹懇騁飛辨大陳明  
義以酬國恩

一作土

山中異日偶承來問聞侍御褒衣結

綬從公于北闕之下明天子以卿大夫印綬加之不可  
得而讓也窮秋葉脫鴈號霜勁矣行道開襟下帆鍾陵  
衆君子珪璋偉士英華照爛美侍御之所從也樂請抒  
詩什以貺之載懦夫也醕腸二字疑所謂以附于叙末



文苑英華卷七百二十六

欽定四庫全書

文苑英華卷七百二十七 宋 李昉等 編

餞送十

夏日盧大夫席送敬侍御之南海序一首

鍾陵夏中送裴判官歸浙西序一首

潯陽歲暮送徐十九景威游潞府序一首

荊州與楊衡說舊因送遊南越序一首

宣城送黎山人歸滁上瑯琊山居序一首

奉送良郢上人遊羅浮山序一首

奉送裴二十一兄閣老中丞赴黔中序一首

送安南裴中丞序一首

奉送黔中元中丞赴本道序一首

送水部許員外出守郢州序一首

送建州趙使君序一首

送循州賈使君赴任序一首

送歙州陸使君員外赴任序一首

夏日盧大夫席送敬侍御之南海序

符載

今天下司王職之官官立帥帥立屬制置滋久繁冗日甚二年春皇帝以易簡之道大黜冗吏詔近臣冠惠文冠者四人分行郡國以權之所至之邦刀布粟帛有廢供給辦二千六百石得自考課殿最以聞朝廷重其寄能其人以監察御史敬公清明上才克荷斯任故自黔中距于南海盡得而董之夏四月辛巳至于江夏六月

丁酉馳于嶺嶠鄂管連帥御史大夫盧公闢以高館羅  
以籩豆搜文以餞之禮也先是侍御之至風威儀稜江  
湖颺馳如霜氣肅物莫不震惕我大夫政有和裕賦無  
逋曠饗夕餼朝問候君子有以見天王之臣行者以威  
重居者以恪敬也且國家尚兵已來百萬軍食仰給黎  
庶者數年矣至於靡弊等劇矣今羣寇底定生人始泰  
如飢腸凍骨易施餽福是行也軌大中扇皇風決滯寃  
察賢良使海隅蒼生沐浴汪濊者正在於此豈獨責稽

逋之賦乎小子濫以儒列廁末座大夫欲卑賤者得申  
其志至猥而命之載久栖山林詞樸意拙跪受簡牘伏  
用醜汗然各請賦五言一章頌皇皇之盛也

鍾陵夏中送裴判官歸浙西序

樹生人之求籠天下之利鹽鐵而已矣非剗犀切玉之  
器操劃利病之權務通泉貨上充天府下活人命則不  
得而居之國家委中丞李公以王賦之柄輕重之權實  
才授也去年春三月至于秋八月不雨關中飢饉職司

憂焉以豫章江夏長沙諸郡地產瓌材且憑江湖將剡木為舟以漕國儲乃命河東裴從事承檄擁傳與三諸侯圖之從事名滉字瀾之風緒高華中和而深敬恭文敏羽翼吏道始以幹局為萬年尉中歲遠竄乎南徼會恩澤下降李公聆其才而辟之方今藩維大臣奉法謹文所至之邦朝令夕供加以瀾之禮以持外誠以發內溫溫多可中無疵吝故方帥地主瞻其顏色聽其聲氣略去形體相與懽愉醴筮之下閤然事緝斯所謂賢士

哉若人也與夫用威造勢者豈同年而語耶眇眇千帆  
從風飛揚復命主人賓亦有光或者云勤不報屈不伸  
余不信矣况我公於公揖珪璋之望於私敦中外之愛  
感歎流落慨然盈懷即異日調和鼎鼐掄材取士得不  
與中丞同力合謀也水國方夏白波無邊檣烏一動吟  
嘯千里主公知非文什無以紓一作緩離志奉送將歸猥  
令首叙腆焉如歉但欲言鼓韶濩者之唱調耳一作但欲為鼓

唱韶濩者  
之調耳



潯陽歲暮送徐十九景威遊潞府序

前人

道舊者同志之至歡乎送遠者有情之至悲乎二者激  
人中腸我獨何謂鍾此懷抱始余與徐君識面余獨一  
言道合遂相顧攬載即亟往候太傅夫人起居他年余  
及揚郎中偕詣梓潼依李太傅生亦相從其於講道藝  
攻闕漏時上下勅中諸山賦詩舉酒吟嘯風月每至忘  
形骸也爾後鳥飛雲散南北四去邈邈悠悠凡十餘年

一昨余被命召為江西從事生乃枉道顧訪病劣不任

罷歸潯陽生亦策馬相隨余有茅居

一作屋

在郡南西嶺

下前有芙蓉菱芡後有高梧大竹家貧無他具日為徐  
君春黃梁爨園蔬鮪鱗數器相顧下筯頽然簷下快然  
偃仰至宵夜即燎薪火觴白酒引滿之際更語曩事襟  
期浩然如太古時人間萬累無非糠粃斯一何為樂之  
甚也徐君僑寓成都日久常欲扶持尊老歸家洛陽寒  
氣綿薄不與意會有澤潞從事尚書郎郗君士美生之

姑之子也長材端操敦好中外將自茲始裂裳而從之

開顏未孰

孰熱通用

執袂相送歲暮風雪獨遊萬里會面寄

書杳杳何期又一何愁慕之深也徐君方厚有志氣履

行醇固善為文匿華用晦叩之乃應加以身長七尺聲

如笙

一作含

簧能飲酒斗餘談語眇眇自有標韻所至之

地方伯牧守洎賢士大夫莫不為子前席倒屣即士道

其幾乎喪矣况山東望雄諸侯賢明舉才携雋樹勲當

世豫章之幹寧逃於班輸之目乎厚自珍重無患知已

崔君行先齊君照

一作熙

予之舊友也却君士美盧君頊

予得之友人蕭易簡也此數君子皆以宏才實畫幕中寒暑推謝為余問其無恙否耶復以是便代雙鯉

荊州與楊衡說舊因送遊南越序

前人

載弱年與北海王簡言隴西李元象洎中師高明會合于蜀四人相依然約為友遂同詣青城山斬刈蓁葦手樹屋宇俱務佐王之學初載未知書其所覽誦章句而

已中師發明大體擊去疵雜誘我於䟽通廣博之地示  
我於精淳玄顯之際惇惇之道實有力焉無幾何共欲  
張聞見之路方乘扁舟沿三峽造潯陽廬山復營蓬居  
遂我遁棲二三子以道德相播以林壑相高精綜六籍  
翱翔百氏繇是聲譽一作殷聲上然為江湖聞人居五六  
年載出廬岳歸蜀問起居中師愛惜離思振衣相送泝  
九江歷楚抵秣歸而旋執袂之際互修前志已巳歲自  
成都至中師自長安僑寓荊州羈旅相依各被婚娶因

于柴水去歲迄今山間荐臻王李二生相次殞零草堂  
無主雲林索寞鄉風長想不知涕之橫墜也噫青城匡  
廬岑嶽際天下有煙霞上有神仙緬懷曩昔逍遙其下  
背負素琴手持道書掬泉掃石吟嘯終晝一有是時年  
少無事費傲光景造適則止不知其他孰謂倏忽與中  
師啓煩襟期晦明一十二年于茲矣辭山林墮塵滓五  
變星霜矣歲月馳于外憂喜攻于內動非濟當世之務  
靜不庇環堵之室泥塗碌碌視日且暮永言念此厚用

慙穢思欲攀石門之松桂宿靈溪之煙月可再得乎然  
跼度者多繫乎出處知幾者不滯于進取前年冬中師

聊整文思起嘗於禮闈間飛聲騰陵譟動公卿當

疑作常

伯翰教俯授高第雖不當素尚亦天路之鴻漸也世之

繇此而進者必聯振六翮聿求昇翥苟有便捷

一作振躍

登青冥十六七矣中師旅食淹恤內顧勤寔策馬南向  
慰其室家未幾而囊金中罄庖煙屢絕乘時蒸鑠將遊  
炎方又何其濩落也相國齊公挺鸞皇之儀櫛經緯之

暮新荷天寵鎮安越服執事行業明白且曰親舊或將  
脩假道之禮不為丁寧結約求以自輔乎重慎舟楫無  
畏遠道議者云五嶺風候加飡飯日舉醇酒數觴可以  
佐助正氣生其誌之

宣城送黎山人歸滁上瑯琊山居序

前人

有沃田有良耜土膏脉發凌春而耕之播種稑之種極  
耘耨之力其或七年旱九年水獲不登於秉庾者此天



時也非為農之不精也用聰明端思慮古先典籍鑽研而求之以道德為冕弁以仁義為組綬其名不光其位不及身尚嬰於貧賤者此人時也非為學之不至也山人誦堯舜之言服堯舜之行四十年矣鬢毛斑白龍鍾布褐得不曰命之水旱歟山人名復氣清骨植凡態不入揖讓應對甚有素士之風探賸以知章居易以安貧立誠以守晦服勤以樹善始結茅於滁上有瑯琊山清泉白石羅在戶牖耕餘之暇時時開素卷飲濁醪以雲

霞為賓友以林籟為簫管頽然竟歲不知其他頃有好  
事者日抵其廬舍莫不叢口一意頌我中丞宦君之賢  
明山人聞風裹足於蓬戶齋心於宣城手持短書候獻  
鈴閣中丞厚德如山愛敬士大夫降千乘之嚴貴納縫  
掖之顛顛相與談話惠其氣色枯株旱草霖霖膏雨嗟  
夫古人云國士遇我正在此耳何必他感然後捐軀乎  
况復與其文藝之優瞻慨其羽毛之頽弱將欲借搏扶  
之力鴻漸之勢拔自泥滓化窮為通黎君心腸得不快

然哉中丞下車日久政成俗阜倉廩實禮義立府中清  
淨白晝無事遂甘心於賓客焉朱軒洞開四壁風涼彈  
絃清歌絡繹行觴簪裾荷蕙陶然一醉居無何山人有  
歸歟之興中丞乃抽妙思動高韻以大雅之什貺之文  
人幕容聯和瓊璧組繡鄙夫知到山之日猿鶴顧迎視  
有喜色也嗚呼一作戲幽蘭生於大澤香薰芬馥過時不  
採摧於蓬蒿矣黎君隱於淞上蘊才蓄力是行不偶老  
於風塵矣去矣自愛謹候休問載卑客也才識短陋猥

以叙述冠于群什如處泰山之上兢惶惴恐之不暇也  
敢為首乎

奉送良郢上人遊羅浮山序

良郢法師多聞強學風表端淨拔乎出萃者也始童子  
剃落轉持麈尾講仁王經白黑讚歎生希有想既進具  
酷自砥礪加以聰明迅發至於修多羅毗尼達摩書  
雜如是若干種法上人悉知解以佛門言之文學則游  
夏也以法將則韓彭也異日必能破魔軍闢玄風當來

像教不墜於地矣甲申歲夏六月中丞楊公下車長沙  
之三年也余自故山扁舟一葉主人舍我于東館師荷  
簷振策惠然相顧始見其青蓮眼目水田衣裳其心則  
懼如也次聞縱論雲湧波委甚嚴如也居累日報余以  
羅浮之行雲心不定稍欲引去噫沙門釋子棄捐萬慮  
携三衣鉢乞食自給晦宿聚落朝行亂山心冥境界何  
樂如此悲夫塵勞之士校名利溺愛縛區區于尋尺之  
內寧復拱懷於方外之遊哉常聞說者云有蓬萊一島

浮至與羅山合并因命曰羅浮風煙草樹木有異態余未嘗踐履其心技癢師到日為我殷勤手疏寄北來檀越也

奉送裴二十一兄閣老中丞赴黔中序

權德輿

裴兄居諫大夫五年休問籍甚其於匪躬據古切廟獻替掖垣衆君子徒見其拜章伏閣而莫知其所以言者然則發舒純誠弘大聰明以貢於穆清者可勝道耶每

漢廷大僚與六官二職之缺羣情屬目俟其授受又矣  
壬子詔書有黔巫長帥之拜秩於清憲褒以命服周行  
諸公以為一方之宰且惜其去而未喻也及夫別殿前  
席沃心交感重藩符之所付慮安集之不稱凡所以輟  
近臣惠遠人之旨纖悉備厚上許周月之代兄求三歲  
之理又以見首公急病而忘其勤遠淹郵然後諸公知  
惜別為細而感恩為大在此行矣自牂牁  
見後漢志唐文多用此二字亦  
或從牛前漢及他書或以  
為柯皆船棧也集韻通用  
通道夜郎置吏以示綏懷以

安剽輕失其理則蕭然愁擾得其和則驩然感悅方略  
招徠繫於官師以兄之慈惠直信粹清廉白為仁由已  
不改其度使大化淳流在明誠洞開推人情以賦政便  
習俗而不擾彼四封

集作境

之內如熱得

集作待

濯如水走

下史臣操簡以傳循吏使者急宣以將徵命雖欲復三  
歲之言其可得乎未間則褰赤帷飲醇酒晏晏言笑中  
無町畦雖鬱蒸霧雨之候無自而入矣大丈夫被薦紳  
剽華纓弘宣職業無有遠邇則嚮之玉堂清禁論思侍



從與今之龍節前導金龜映組皆所以事君也豈有中  
外之異耶祖輟霑醉宣言相勉在加飡寓書而已至若  
山川風物與騷離瞻望之嘆皆備於詩人所賦故不再

書

集作茲  
不書

### 送安南裴中丞序

士君子循道致用感恩宣力則萬里如咫尺

集作  
尺

溟波

猶康莊况金印照路熊車伏軾

集作伏  
能載軾

提封甚闊命賜

甚厚此裴侯所以忭笑就道視交州如衡輓之前則天

時之瘴熱地里之回遠皆細故也初裴侯夷退燕息未嘗用逐於有司且曰不試則已豈能自售其後累以惠文法冠為戎輅上介甫登中臺旋鎮南服蓋純鋼百汰不得自閑於匣中明矣今天子惠茲元元邁唐虞之風鄙夫司言九年玷辱清途集作近顧不能裁成謏訓著一代典法耗竭蚩鄙為明時羞思得上分憂嘆下布條職使四封之內列郡和洽斯亦大丈夫之事也因君是行聊復起予追思徃歲携手相樂與蘭陵蕭元植范陽盧

載初宦遊出處多在江介索然物故何可勝言又想夫

楊柳古灣秣陵仁祠寒夜促膝歡言舉酒晦明颺馳

忽二十年各乘風波時一會合今日出祖話別在加滄

自愛而已至若馬文淵集作泉之功略士威彥三國志士爽字威彥

為交趾太守英華作王彥威非之教化集作慄俗裔人納諸掌握明珠

文犀視同涕唾皆裴侯穀中所畜也不復煩言

奉送黔中元中丞赴本道序

中丞頃持邦憲靈襟集作臺坦蕩中立不倚公輔之望懸

於人心者久矣大方夷道且無町畦持刀筆者忤害為  
獄故前年有餘杭之命左遷也大君端拱穆清深恤人  
隱慮遠黎之未集作不康擇可以富集作宣教之者以餘杭

風政表課第一故有持節黔中之拜天之愛人斯謂甚  
矣受命之日庀徒戒行鄙人以使者之微假道于此屬

當祖輶辱在賓筵敢宣言於集作于執事曰夫蹈全德者

事無夷險播善政者地無遐邇然則五溪之氓其將泰  
乎呂梁懸水尚在忠信矧夫巴黔故地方鎮專達惠飫

夷落興行禮讓然後翱翔清朝羽儀百僚倚伏之數庸  
詎知不以此乎夫臨觴捧袂愀然悽愴此兒女之仁也  
固壯夫耻之愚亦耻之引滿舉白既醉而罷文則不腆  
盖指事云

送水部許員外出守郢州序

吏二千石與中臺郎循良雋茂旋相為重在其推擇所  
切而已故叔載以文術而居郎位以吏理而分郡節時  
所重難輒居選中其初已獻賦射策取甲科如地芥交

諸侯之聘車不輟鞅繇外臺察視入佐著作休聲日揚  
乃擢建禮與伯氏左曹萇附相鮮濟濟於公朝怡怡於  
閨門士君子永

集作  
詠

歌屬和以為榮觀昔郢中之客能

為陽春白雪之曲洎梁水部郎何遜文含清律重於江  
南今叔載有必類之詞比興溫雅其於官遊宜乎典水  
曹而牧郢人也况漢南長帥風行列郡郡守清靜公廉  
導詔條而已以叔載內平夷而外質重不能不流佳言  
析理疊疊可復施於列藩如發硎投刃况得漢南之歡

舊矣又何疑於報政耶大則以尤異徵細猶轉遷劇部  
皦然前知不足為賀觴酒祖輒姑以紓居者之愀愴云

送建州趙使君序

予嘉趙侯者在京下十餘年祿甚薄而心甚泰操利權  
燠灼可以順指變化者趙侯顧不游其津退然自得

集作

是鄙夫識之曰斯可以為君子矣今茲以蘭臺郎滿歲

佩二千石印綬受明天子面命牧茲建人為仁由已斯  
亦不細是邦為東閩劇地故相安平穆公嘗理焉穆公

予之戴侯也故能言之當孝文避狄時巡之際移書四方詞義憤切容䟽奔問請以州師赴蹈凡穆公所以彰大名操大政者皆建之為也趙侯於斯時實為從事賓榻虛左得之甚懼凡趙侯所以令聲籍甚四征交辟者由穆公發之也今日幢蓋昔時山川存問遺老淒涼故事至止之日情何可言屬者狀徃行於考功易嘉名於博士斯亦士君子盡誠於所奉其可誣耶頃予忝職西垣殆將十歲草列郡命過於百數每發緘含毫未嘗不



惕然慎重以其四封之內性命所繫故也或歎趙侯官尚屈而地頗遠予以為不然昔孔門諸生以蒲莒單父著稱况諸侯之貴乎東漢循吏以交趾九真報政况建溪之邇乎則趙侯旃軾之間猛鷲飛伏勞徠所及鰥孤樂康陟明善價如建瓴水雖欲勇退知止其可得乎南轅計日祭輒即路白晝美景如歸故鄉行矣趙侯當以書札為念也

送循州賈使君赴任序

使君嘗以司直佐黔陽黔陽之政舉又以贊善守寧夷  
寧夷之人又乃今以周行慰薦詔領海豐天慈覆露無  
有遠邇及夫書於循吏為後法程則古人交趾九真之  
績與河內潁川固何以異焉知今日麾蓋不為使君南  
溟之變化耶追思從兄秀才為使君門閭之賓曩歲晤  
語備徵理行愴族屬之凋落集作零益睽離之怊悵事可  
覆視言為不誣朱轡郡節三伏就路衆君子祖道或賦  
列為一編延頸屈指在徵書北轅而已

送歙州陸使君員外赴任序

始予與公佐俱以圓冠褰衣息偃於江湖間練塘鏡溪

樂在雲水帥心自放相視莫逆其後則攻集作改過內訟

知道不遠人洗其心虛以順外逮三四集作三年又俱以

法冠翹車為諸侯賓攝衣塵中與俗駕並馳間關道路


離憂多而歡言少七年詔書以禮官博士徵鄙夫於吳

十六年以尚書祠部徵公佐于越其間間閱忽焉十歲

心期寓書常若對面中朝大夫君子皆以推轂為已任

未至如歎然亦既觀止笑與拊會月未再葦麾幢在門  
繇是大夫之賢者士之仁者皆惜其去以公佐有端操  
直質無巧言調笑得之自是不得自是故也今天子加  
恩元元慎重吏師則列郡長人不輕於中都官明矣况  
宣城有賢長帥以廉風俗新安有佳山水以資勝踐為  
仁由已賦祿且厚此皆不期集作至而至者然則表課  
陟明疾若傳置行當以尺一徵書奪于集作是邦邦人  
雖欲遮道借留末由也已又惡用今日少別為戚戚耶

公佐嗇神自愛以俟良會



文苑英華卷七百二十七

欽定四庫全書

集部

文苑英華卷七百三十八至

詳校官監察御史<sub>臣</sub>范衷

助教<sub>臣</sub>常循履勘

總校官進士<sub>臣</sub>朱 銓

校對官中書<sub>臣</sub>王 瑄

謄錄監生<sub>臣</sub>史映綵

欽定四庫全書

文苑英華卷七百二十八

宋 李昉等 編

餞送十一

送崔端公赴江陵度支院序一首

送韋起居老舅假滿歸嵩陽舊居序一首

送崔二十三丈諭德承恩致仕東歸舊山序一首

送徐諮議假滿東歸序一首

送杜少尹閣老赴東都序一首

送許祕書赴江西使府序一首

月夜汎舟重送許祕書聯句序一首

送張校書歸湖南序一首

送陸校書赴祕省序一首

送薛十九丈授將作主簿分司東都序一首

送許協律判官赴西川序一首

送嶺南韋評事赴使序一首

送李十弟侍御赴嶺南序一首



送李十二弟侍御赴成都序一首

送李十兄判官赴黔中序一首

送商州崔判官序一首

送右龍武鄭錄事東遊序一首

送台州崔錄事丈赴官序一首

招隱寺上方送馬典設歸上都序一首

送睦州李司功赴任序一首

送當途馬少府赴任序一首

送義興袁少府赴官序一首

送崔端公赴江陵度支院序 權德輿

今年春上始命二小司徒主量入經費之節辨繇賦權  
筦之法皆內有郎吏外有從事多冠惠文冠分道將命  
督課郡國其或才軼羣倫望重縉紳者總二府之職而  
兼領之故執事有今茲南荆之命用能選也初執事以  
名聲文采為士林所仰方退然深居於華陽僊府講道  
肄業恬曠自居諸公之辟日至山下且以道勝於內則

出處不殊儒衣昂然徐就知己及叅搃世物更若劇職  
動成故事去如始至論文變則能窮損益之旨商功利  
則能通輕重之權故數年之間三踐憲司赤紱在服襜  
如褒博諸生榮之歲十二月自鍾陵抵江陵驅車即路  
不憚氷雪况騷楚遺韻楓江遠目在此路也情如之何  
五言詩送別之始故自戴臨川蕭王二柱史已降皆徵  
文貺遠字用五而詞多楚者以地理所歷且行古之道  
也

送韋起居老舅假滿歸嵩陽舊居序

前人

九年正月左史韋公移疾既踰時左曹以聞得請當免

遂以角巾野服如東周舊山

集有前此二字恐非

中朝廷措

集作薦

紳先生之徒車轂擊於通衢觴酒交於竹林執其衣祛  
惜乎分陰弦晦屢移其懼不厭或發於歌詠以將厚意  
外孫權德輿序而言曰大凡士之生世有二道焉其出  
也宣其功緒播其利澤納忠服勞以服天下其處也味

道之腴與古為徒休影息跡以閒身世不如是者細則牽於利欲大則囿於得喪識真者羞之公之先扶陽始以丞相致仕為西漢盛典逍遙以安車不屈為北朝外臣至是左史又能伸其志以弘其世嘉遯德風盛乎一門况吾君用大和理萬物動者靜者各遂其方則陳力以致用潔身以弘教其利一也故左史得以聰明為駢枝以名聲為纏繳無耗氣無焚和退然葆真獨與道往鷗鳥不動家人忘貧是行也朶頤者知懼矣出車家林

揮手青門擁途而祖者唯恐不及合歡也忘印紱之輕

重陳詩也無章句之約束放言無擇造適則笑行觴無

筭既醉而罷虧成彼是曾不得

集無此字

棲於念慮之中而

惠風閒雲飄拂左右動用視聽無非大方推

集作排

是類

而廣之則泛清伊陟嵩丘又可知也小生無以為贈謹

序其所以然附于編

集作篇

奉送崔二十三丈諭德承恩致仕東歸舊山序

前人

大易之言君子也有出處語默之異或有猷有為以宣

事功或不營

集作勞

不伎以順天理則陳力廟廊之上潔

身

集有於字

巖石之下皆其所也至於振風聲以助時化無

乃處者裕乎丈人燕居積四十年而天爵人爵合發至

京師周月而解巾致政之詔再下豈徒然哉初躬耕於

延州三茅山之趾安仁食力聲利不入心虛

集作靈

曠而

體胖道義富而家肥閨門淑行流於鄉黨泊然與白雲

鷗鳥同其無事去年春鶴書下江南江南守臣多方以

起之至止之日褐衣召見未受命而被以章紱既受命而侍於宮朝循性蹈道不遷於物抗章乞身詞直而明凡五上而後得請之詔下寵秩優禮周行聳視上以為天下之本至重必資賢人以奉三善故命職命官皆在於是及不得已而賜告也猶以審諭道德處之不然者豈無他豐祿耶蓋尊元良以貞萬國聖人之心也噫夫士能自審出處之宜而不惑者鮮矣或圖集作圖於利欲四顧滿志或沒於黨類不能自還嚮非強志峻節皦然



清厲大圭不琢獨鶴無侶難乎哉追思曩歲一踐巖逕

蓋二

集作三

十年矣徐話舊故有悲有歡唯冥冥翰飛不

可及已輕裝喜氣心與道勝軟輪徐驅故山有輝想夫  
草堂環合喬松千餘本交柯翳景吟泣風露幅巾長謠  
偃放其間一氣不耗四支交暢清時外臣其樂如何非

仁聖不能全不奪之操非堅強

集作明

不能果獨徃之志

惇史古風復行於今群公惜別飛蓋擁道如漢廷祖二  
疏故事而類之以歌詩德輿泝其心源也熟故斯言不

忤

送徐諮議假滿東歸序

前人

徐生用經術歷太學太常二博士諮議于王門徊翔于天朝衰衣赤紱官品第五移疾請告歸息于讓王之舊鄉其進也量力其退也脩性斯可嘉矣國朝禮文酌損三代最為詳正生所洽通而又采獲古今亡於禮之禮者考論稽合頗有條貫故顧居守夷仲徐左曹元封今歸侯公和皆深知之生喟然曰州閭達者凋落大半吾

過懸車數歲已為壽班在下大夫不云賤况天爵貴於  
纓冕田廬樂於都邑思雲卧水宿食稻與漁則華棖列  
鼎不如是之適賈勇於退不能留行可以言賀胡為愴  
別鄙夫嘗游息三吳間殆二十年每耳聞水國如話鄉  
黨則徐生亦吾之僑舊也可忘情耶商皓遠矣以不才  
者處之退朝隱几幸類休沐江海之思油然而生適因  
送歸愛此行色時歲荏苒去異糧無幾何多疾早衰筋  
骸日耗乞身自便雖未敢言涉江而南聊寄夢想秋九

月太子賓客權德輿序

送杜少尹閣老赴東都序

叔通之於文學政事若雄銚百練窾卻中節比年

二字  
集作

頃由東曹郎給事黃門俄以中執法守上洛得幹支郡

視方任焉乃

集作  
及

今亞尹洛師實顛府政冬十月至自

繞雷來朝京師三接面命出車就道凡所以慈惠東人  
者得悉數焉以叔通之華資茂實而須長師於後命者  
蓋使洛邑耆老周知功化然後尺一詔條焜耀恩禮夫

如是則吳公之理平第一不復專美於前書矣又豈以

翱翔

集作  
旬翔

疾徐為叔通道耶岐燕元老理具惜別文昌

六職夏官卿趙公而下舉白出祖交歡道舊鄙人病不  
能醉亦笑言擊節於其間衆君子皆賦愧序引之辱

送許校書赴江西使府序

前人

紳冕之士角逐於名聲者必以射策東堂校文石渠為  
稱首於公範言之皆其細者予與公範尋世好以約交  
道獲申十年之敬出處多故及茲再會久飽諸公之議

今日得之心包大猷口析精理可以稽合同異懸照是非夫然者焯當世之譽交大府之辟疾若機響不亦宜乎國家尚用兵車之會且思磐石之固俾賢王秉旄節主江西諸侯辟書四下大搜雋望公範拂拭縫掖從容長裾赴知己之命伸丈夫之志固當酌六經精義以贊軍政俾介冑之下禮讓興行且以中庸明誠之根本覃思於文藻致用於政事發矟投刃固在於遠者大者庸詎知今茲一舉非圖南之羊角耶臨岐話別送以勉固

志業而已若愀然涕下以聚散為念此可畧也衆君子  
置之

月夜泛舟重送許校書聯句序 前人

公範持江西辟書駕言即路其出處之跡與婉婉之畫  
鄙人不腆已為之序引且吳抵鍾陵二千里而遙凡我

諸生愴離讌之不足

集有  
序字

故再徵斯會秋月若畫方舟

沂沿笑言不譁引滿造適公範乃握管作三字麗句僕  
與二三子聯而繼之申之以四五六七以廣其事如其

風煙月露與行者居者之恩各見于詞

送張校書歸湖南序

前人

予初與知柔交相見

集有之禮而退四字

雖未知其歸而意其賢

逮今七年方再會於鍾陵交歡歡甚言理理詣其容溫

然而不飾邊幅其中曠然而不施扁鑄渴善好義困而

彌彰

集作固

締交

集作丈

親仁久而益敬其於官名虧成之

際則得之自是不得自是故年過四十方一命典校諸

生以為屈甚

集作善

而張恬然儒冠峩峩不耻敝緼吟詠



古道以文自娛獻歲南征者以寓環堵於長沙故也亦  
將叅質文於屈宋詳歲時於荆楚楓樹千里片帆烏飛  
晨征夜泊無非詩興彼湘君帝子之遺迹江蘼杜蘅之  
春色皆落君彀中矣而修輒者得無詞焉

集作  
乎

### 送陸校書赴祕省序

前人

陸氏為江南冠族子容一門將

集作  
持

以文藻行實振起

風緒叔父羣從歲為儀曹首科子容亦登甲乙讐校祕

書

集作  
書府

繇是君子謂春官天官之舉不失人子容之名

不過實歲七月將沂江流如

集作入

京師途出練湖實

集作

賓訪予言別予業以貧病不能自振方具藁笠鋤基耕

鑿吳門子容以名聲文采官遊上國吳秦之遠道出處之殊致在此別也情如之何子容諸父深源方源我族之出有早歲遊處之舊故得君之道因是而深別離愀愴亦用加等於序引也所不敢辭

送薛十九丈授將作主簿分司東都序

前人

丈人罷礪山尉之歲德輿未

一作年

既亂寓居南徐拜手

之初就傳未足以遜志歌詩未足以類事嬉于親

集作硯

席不知苞羞會離之際亦命之賦爾來向三十年矣因  
緣進越濫次于朝而丈人以河陰丞蒲歲參調亦既感  
泣悲歡相乘微辨風采乍疑夢想而又徵楊惲史氏之  
學發羊曇西州之歎家風代德有所未知遺文逸簡甫  
獲傳授以丈人素履厚行含章立誠黃流集作琮白珩聚  
然內照可以書惇史激薄俗者有焉方安舒以潔已耻

孟晉

孟勉也晉進也出漢書

以枉道俛首受署不競於時方今王

在在鎬東人望幸百執事之府署盡備擇才以理繕工

之屬分領厥司所趨者靜其祿不薄

集作不薄其祿

且以嵩峯

之下素業在焉與夫角逐於京劇者異日論也離觴舉

白征蓋就途因以弱歲菲詞發篋見示且曰今日之別

其可默耶直書下情拜命之辱

送許協律判官赴西川序

前人

十年冬予與今左曹相君兵部郎崔君同受詔禁中雜

閱對策以第其等將命於廷有請程百職之功緒者且以郎吏課曹為言時相君為吏部郎崔為右補闕因相顧曰直言方譏切吾黨其可捨諸予撫手賀之以為得雋及後詔下徵他日之詞則許生也典校蒲歲西遊岷峨丞相彭城公雅聞其才辟以從事十三年冬以府掾計事至于京師獻歲迴車醜酒祖道以子之直而和敏而文策名於天府叶志於元臣搏迅颺翔層雲將賀不暇給而別何為愴眾君子中飲

集作  
歡

皆賦使鄙夫類之

送嶺南韋評事赴使序

大夫杜公用德禮威信訓齊南海居二年以部從事檄  
召京兆韋君君溫文裕蠱銳於術學在綺襦青衿之歲  
粲若冰玉年方冠仕至廷尉評擁大府之傳赴賢主人  
之命其徒榮之且樞柙巨幹不產培塿則知天鍾美茂  
亦多在世德其要在聿修之不怠而已彼吏理與將命  
事之細者况新發於硎銛刃韜集作溢匣不折不缺之誠  
豈足為執事道耶予嘗被公辟書辱在下介顧以多病

不敢遠遊南方祈

集作  
新

執事者芳訊見及則詳言美化

佇為中和樂職之頌以抒下情

送李十弟侍御赴嶺南序

前人

士君子之發令名沽善價鮮不由四征從事進者翔集  
翰飛蓋視其府之輕重耳則侍御之今日猶鄙夫之昔  
時也因想昔與今徐方連帥王僕射德素盛府主公揚  
尚書達夫同登龍門於鍾陵爾來二十年矣二賢以大  
僚碩望當明天子注意分閩之重鄙夫顧無所用亦五

叨中臺俯仰印綬以過量自愧追懷舊恩敢忘其所自

耶況侍御溫良敏肅用文術自贊初為州里所舉俄屬

聖朝以舊勲推恩累更祿仕

集作位

再至京劇今茲簪法

冠駕輶軒感於已知不計勤遠又焉知圖南水激

莊子作擊

之變化不在此耶既賀侍御所從又悅達夫之舉賓主

之間仁義

集作所字

在焉款門告別思以言為貺至若洪範

之攸好德盤銘之日日新皆侍御所執也又

集作今

何言

焉敬謝達夫慎夏自愛無金玉爾音而已



送李十二弟侍御赴成都序 前人

相國臨淮公觀風俗於井絡之下辟禮所及皆雋人賢

士隴西李侯虛中敏厚而文嘗再中正鵠於大

集無大字

春

官天官氏同門生已翰飛三臺出入承明獨用恬退結

黃綬於伊洛或靜以勝熱或羸而不置予意其必遇真

工大冶以發銜刃今果我惠文趨黃閣

集作閣

視其所舉

問其所從可以交賀矣行當見相君政成一方執介圭

歸上京

集作台

則掖垣侍從之選不在從事之賢者吾不

信也中外零落始衰多疾祖道握手灌然涕洟至若銅  
梁玉壘之勝踐使軒賓榻之盛集皆備於歌詩者之說  
不能悉數云

送李十兄判官赴黔中序 前人

今名卿賢大夫繇參佐而升者十七八蓋刷羽幕廷而  
翰飛天朝異日之濟否視所從之輕重故予內兄以黔  
巫之地為夷途安流者受署於中執法王君故也以王  
君之馨香望實宜處清近久矣惟天愛人授茲一方則

兄之赴知己誠可賀也兄端明文敏焯見吏理奉本府  
之書奏陳遠人之便宜已以集作事復命驅車就路敢用  
觴酒宴輒繫之以言曰武陵辰溪四封十五郡大凡五  
十餘城以仁佐賢寧彼縣道婉婉語集作言化為風謠  
然後徵理行之第一獻賓寮之功用夫如是得不謂所  
從之重乎京師離羣咏嘆仁政寓辭鈴閣之下無金玉  
其音

送商州崔判官序

前人

商於之地與郊圻接畛藩部條職顯達於京師且有賦  
輿得署賓介今二千石以宗室貞幹自中臺郎出守首  
辟博陵崔君君溫恪廉清且以文敏緣飾三命官至汜  
水主簿吏理有聞以中外之勲華文雅所憑者厚遊必  
有方集作常翔而後集然則君之委質商之報政二者其  
相為用乎園綺風聲夢想如在古祠喬木為寄遐心

送右龍武鄭錄事東遊序 前人

予弱歲時從師於黨塾鄭生已用經術上第誦古先格

言圓冠紳帶綽綽溫雅里閑僑居年輩為長迨今踰二  
紀三徙官至親軍紀綱掾青袍化緇班鬢如艾徐道舊  
故悲歡相因以鄭生之理文脩行而職業未稱得不為  
大來之將然歟抑食浮於人者或腊毒歟予不知也今  
則請急於環列遵途於江介懷舊遊也吳中多賢士君  
子居易求志為予多謝之

送台州崔錄事二十一丈赴官序

前人

夏四月臨海紀綱掾崔雅璋受命選部出東門是歲重  
表甥權德輿始至京師寓居同里顧其室空無以自貺  
遠輒竊仁者之義申之以言云古之君子脩誠以慎獨  
居易以養正行實中茂而纓轂外華其或不至則安之  
若命蓋直已而不必用蹈道而不必行居今行古者實  
鮮而雅璋是已言必踐學必思四命官率由會府進不  
苟而交不黷簡庶肅給推心為理蒲歲罷去則與令弟  
躬耕於茅山之下睦姻食力修家法考農政嘻嘻申申

有義有仁起於振闈被於鄉黨之動也之靜也得古之  
遺風閤然而未彰不易其方寧蹇連以終否無竒衰以  
害正華髮承弁知者嘆之且夫列郡之督郵視天臺之  
司轄地征之衆寡賦政之細大為樞為杙何莫由斯予  
獨知臨海之人受賜不暇矣又况琪樹風清石橋月明  
羽人僊子鬢髯如覲遺集作遺有涉無與境而勝象外之  
歡可勝既乎今大君子主制河東諸侯府多雋賢且有  
雅璋者庸詎知今日適越不為異時之大來耶二三君

子送遠加等醞酒以祖道歌詩以發志賢雅璋而思仙  
山故也各見于詞

招隱寺上方送馬典設歸上都序

前人

扶風馬諫茂直方中和之性發於恬曠放言遣詞示

集作亦

有餘力知名舊矣故相得甚歡觀覽其卷則警會

心府三復不倦若霜鴻清唳松雪孤映或諸生所不能  
至者而茂直至之且多持集作持操尤病苟進故調於南



宮仕於東朝戰勝無悶官閒更適適相遇於南徐俄愴  
離居官局所係言旋上國予乃與一二踈放之客詣精  
廬上方主人又以啜茗籍芳代夫飛觴舉白玄言至論  
代夫握手流涕時物且舉靈臺曠然晴江有楓千里在  
目茂直深於詩者衆君子以詩貺之

送睦州李司功赴任序

郡功曹實亞都吏而冠六聯選部銓署勤於他職李侯  
宗室子器幹明茂蒞官處煩率無留事清脩綠飾傾心

於士友此其可尚也予接李侯中外之姻十二年矣曩  
歲既展禮屬予有禮官之命來趨闕下今茲得調甫獲  
再會又屬予承乏代斲於儀曹不得授館以觴酒相歡  
纔數四耳征蓋將去離憂惄然竊聞太夫人賢明有闔

英華作  
閨非

門訓誡予之內妹主中饋勸以義出則事良二

千石分曹賦事入則順承慈歡琴瑟靜好名教之樂豈

待多祿耶富春江漁

集作  
魚

浦潭紀行之詩與郡中坐嘯

主諾之謹吾知之矣族屬羈滯於江南者衆寓書難徧

悉為多謝

送當途馬少府赴官序

予始與馬生相遇於南徐州皆以刊

集作列非

校冗員涵泳

文誼生以既不得調迺反初服與計偕予放浪

集有於字江

湖間因為東諸侯辟召旋忝朝命與漢廷臣並行於西

垣南官中時生窮閭

集作蘭

旅食射策未中積歲於靈臺

之下儒衣甚敝詩思不詘亦與其徒三數生嬉春感秋  
觴酌吟嘯視豪游曠貴者傲如也先皇帝不以僕不肖

使操刈楚之柄輒以得士自賀豈惟竊不遺不偷之目

而已耶今茲

一作之

出青門結黃綬筮仕賦祿於東南之

輿區且曰外兄州尊理行充茂所以利攸往而不薄於

中都官誠有由也然則郡齋言詩幕廷主畫雖欲勇退

其可逃乎清和之月草木條暢京邑氣正在陽則舒方

宜會合坐嘆離索追計舊故向三十年湖塘里巷疑在

前日各有班鬢愴茲離襟又何可言也為予敬謝中丞

君乃者南康永嘉廬江晉陵已為二千石表率今當明

天子守臣之寄為仁由已固又與前四郡不侔賦政之  
暇知君自熟豈敢為曹丘耶但交賀而已

送義興袁少府赴官序

過江山水陽羨居最性質夷淡者得之愈深袁生愿恭  
文敏渴善好學今茲試吏其本可書先正南陽王實扶  
中興之運光啓土宇慶流後昆國有令典延世命官解  
巾筮仕偶得佳境况青春之年綵衣黃綬出則為政入  
則承歡以世德遺直而慎脩之不怠異時必復此其推

輪歟追思童州

集作年

游寓茲地煙潭雲洞杳窅靜深邑

中諸生多業文者亦清輝勝槩之所發也生其勉之名

集作有

衛許冑曹首類歌詩鏘然在聽猥徵不腆俾叙夫

羣篇

文苑英華卷七百二十八

欽定四庫全書

文苑英華卷七百二十九 宋 李昉等 編

餞送十二

送從舅泳入京序一首

送三從弟長孺擢第後歸徐州覲省序一首

送再從弟少清赴潤州叅軍序一首

送從兄穎遊江西序一首

送從兄立赴崑山主簿序一首

送從叔赴任鄱陽序一首

送三從弟况赴義興尉序一首

送玄上人歸天竺寺序一首

送道依閣黎歸婺州序一首

送靈澈上人廬山迴歸沃州序一首

送渾淪先生遊南岳序一首

送從兄南仲登科後歸汝州舊居序一首

送鈕秀才謁信州陸員外便赴舉序一首



送獨孤孝廉應舉序一首

送興平鄭少府歸上都觀省序一首

送巴東林明府之任序一首

送鹽山林少府之任序一首

送常熟許少府之任序一首

送建上人訪尋陽司業後詣涇原劉行軍序一首

送元和上人徃五臺山序一首

送李孝廉及第東歸序一首

送洪孺卿赴鄉舉序一首

送族叔行元落第歸廣陵序一首

送薛大信歸臨晉序一首

送從舅泳入京序

權德輿

從舅詞甚茂行甚修嘗見其緣情百餘篇得騷楚之遺  
韻故江南煙翠多在其集作中蓬累江湖坎壈終歲而

衣不襲突不黔彼乘堅驅良滅沒於康莊者復何人哉  
繇從舅而言可以言命冬十一月方以大袂單衣挈書

笈西遊且見訪曰予不試久矣道不可以終寔今將遊  
上京抵名卿以決出處其可乎哉德輿曰時有通塞道  
有顯晦審時行道惟賢者能之今王度清夷紀律昭明  
宴安迷邦是為大謬是舉也得審時行道之宜矣又何  
敢規

送三從弟長孺擢第後歸徐州覲省序

前人

吾嘗思天下之理必求其端於士行博厚人文昭明則

理道從之孤卿大夫皆繇士而進得不謹於初以自重  
耶然則鎔干之刃駮驥之步百鍊千里必俟知者此長  
孺所有獲進於左君之門也左君嘗貳六官之半復以

綱轄再臨儀曹銛鋒絕足於是乎得且爾韶歲

集作  
年

秀

發好學不遷迨乎弱冠餘勇可賈脩詞體物講習復

發鏃

集作  
功

中的觀者偉之夫每歲登名者四方之人皆

屬耳目以評其當否不可誣也若爾之敬遜務時敏沛  
然得之異時遠至如在步武矣吾與長孺曾王父在永

崇開耀

集作  
輝非

之間繼以賢能之書來獻于王庭德名家

法華萼相輝暨吾早歲亦將砥礪充賦而先友過聽遽以名聞蓬茅之中未筮而仕既而中外族姻有以前心見勉者吾以為雖冗員解巾亦君所命也豈可更名越禮以孟晉求售耶循性所安遊寓湖海或辱賓召亦嘗從之頃歲以禮官徵在闕下因緣朝獎忝冒清近既非所宜居常缺然歲時易過道義難就視爾之年猶前日耳每思孔孟不惑不動心之言以為元龜而未能也然

則舉於鄉者士君子之本爾能聿脩其慰如何叔父以

廷尉評典城于蘄

集作豐

里有課最家有教義駕言歸寧

拜慶上堂青純被體桂枝在手服名教者相賀况吾之

心耶宗門單抄羣從

集作從弟

之登

集無登字

仕次者不十數輩

相愛以誠惜別為甚因爾之文藝徵吾之出處故詞雖

繁而不能已也噫風水之積厚也方可以負大舟大翼

爾其勉之

集有其字

餘則節食

集作良會

慎夏寓書而已十四年

四月從曾祖兄德興叙

送再從弟少清赴潤州叅軍序

今年羣從之調試於天官春官者以十數興廉舉秀既有其人而少清以經明解巾叅南徐州軍事其伯氏掾周衛叔氏簿邳城代耕話別徵詩導志夫千里足下九江濫觴致遠就深在乎不已况爾文敏脩潔澡身立誠康莊渤澥吾見其往至如鮑昭之詞律孟嘉之風流又其次也想自非歲僑居是邦趨朝七年束一作榮以紳珮烟霞井田如在目前舉白祭輒離憂加等尚書公以政

成事簡鎮安一方幕庭婉婉多我之執爾其敬恭以事  
長者求為可知閤然日彰嚮吾所謂不已之道在此而  
已十三年三集作二月醉後序

送從兄穎遊江西序

昔安丘敬公以王佐之才而運丁符氏故經綸大畧堙  
阨不振如其乘時行道可以財成家邦豈止於相區區  
前秦與王景略齊名而已時軋道塞從古以然德輿與  
兄實承安丘之遺烈其後枝流以食舊德故兄能踐中



行蹈貞厲守師氏之訓脩君子之詞慤靜而用晦誠謙  
以居約者向二十年袞衣大帶名未登於王府方以一  
葦為航遊江湖間今將省家於上饒順流於潯陽羈旅  
之中未始以進趣為念鄙則不敏粗為哲兄言之自十  
數年間戎車居天下之半故純白清靜之士多鬱而不  
發其或倚佳名集作兵席世集作勢卿以取貴富者皆朝為  
屠沽夕拖章組風波變化以萬萬計其次或雜與諸生  
之徒冠柱後惠文持從事使者之檄溢於府寺誼於傳

置風流不還聲實相遠然則得喪本不足以滑曠士之慮又況今之得喪耶先師曰知足者不以羨自累行脩於內者無位而不忤此二者可以書紳而三復也鄙夫所獻者如斯已矣如其地理所歷與煙霜之候皆備於詩人之思此略而不書

送從兄立赴崑山主簿序

士君子筮仕之門有以代德庥廕而奉清廟齋祠者及夫試吏就祿與秀才孝廉郎等蓋以舊服流慶後昆宜

之其於獎人為善之義深矣從兄承烏奕簪纓之後荷  
歲黈文誼之訓敏於學行而薄於宦名乃今調於天官  
署崑山主簿以姑胥之通邑士衡之佳句僑舊耕種集  
植多依是間上有良二千石為東諸侯表率其飾躬敬  
事夙夜勤敏推輪積水或在茲乎從弟中書舍人德輿  
序其所繇俾群從偕賦

奉送從叔赴任都陽序

叔父端懿誠厚退然自牧博洽前載不以沽名待價為

心德輿羈州時伏見從叔義興君戶部君送別二序自  
前秦安丘敬公至周千金恭公而下德善功烈辨其昭  
穆叔父承千金廣川清水三葉紹封之慶其素履淑行  
二叔父實詳言之爾來三十餘歲矣服義日茂用晦如  
初以仁愛任恤復趨選部銅章列城得之不勤昔季路  
宓不齊理蒲與單父為孔門上第弘之在人仁遠乎哉  
况番君故地理通下邑其壤沃其境清惠和簡廉可以  
游刃異日九江之西上百里課第於有司者其在叔父

乎佐酒霑醉歌詩為禮有命曰爾宜序謹序

送三從弟况赴義興尉序

漢廷諸公皆附經術而施政事故其有猷有為不疚不懼若况者嘗理左右史記事記言之經傳謩訓居有司藉奏中乃令參調署吏以養以仕言顧於行行本於經脩性勤身而祿在其中矣夫學者病口隸其言而心不能通故吾三年第經明者三百餘士而知類通達者往往有焉嘗與賢諸侯河東柳敬叔吳郡陸伯冲寓書往

復論取士之道二君子言之頗詳若况之所履其吾與  
二君子之所欲求也豈無多文之富耶而况不耀豈無  
趣捷之敏耶而况不為蓋質素者受采必固平夷者遵  
道必遠况之志其在是乎吾與况也行以五綵衣裳視  
朝夕膳裘褐初解綬黃甚新彼陽羨有佳山水玉潭東  
舍溪南岳洞靈仁祠僊觀邑子鄉尊窮年勝賞筮仕於  
斯其樂如何有以賀義方之慶輕少別之戚伯仲羣從  
類其詩文亦命小子璇繫集作繫非於編末時皇帝御極甲

子赦令之後一月也

送玄上人歸天竺寺序

度門之教根於空寂因修以取證階有以及無不踐精深之習而悟虛無之理者未之有也未得為得則其病歟僕久味斯法思與言者既而得玄禪師師早誦大乘

經各集作數萬言微言晚得觀門之學今則色空如一哀樂

不入矣桑門之患有二焉未得之患為外見所雜既得之患為內見所縛今玄公儻然於二見之間集作不內

不外冥夫至妙身戒心惠合於無倪且以勾吳有山水  
之絕境天竺又經行之靜界振錫而徃其心浩然蓋隨  
緣生興觸物成化而不為外塵所引也幅巾男子權德  
輿稽首

送道依闍黎歸婺州序

予與惠公游十年而惠公以其徒依公見訪靄然之和  
發於眉宇得其道者不待言說予嘗欲黜健羨遺名聲  
不使塵機世相滑昏靈府故每隨縉紳士則神怠與依



惠游則性勝蓋循分而動亦境所由然上人以東陽為山水佳地且生約二德昔所游踐况雲洩石室花發桃巖是二精舍為東南甲乙乃振緇錫泛然而行道機法樂盡在是矣如僕者方牽攀世教未得與師為方外之遊遐情幽賞期一二偈疏

送靈澈上人廬山迴歸沃州序

昔廬山遠公鍾山約公皆以文章廣心地用贄後學俾學者乘理以詣因言而悟得非玄津之一派乎吳興長

老畫公掇六義之精英首冠方外入其室者有沃洲

集作

州通

靈澈上人上人心真空無而跡寄文字故語甚夷

易如不出常境而諸生思慮終不可至其變也如風松  
相韻冰玉相叩層峯千仞下有金碧聳鄙夫之目初不  
敢眡三復則淡然天和晦於其中故睹其容覽其詞者  
知其心不待境靜而靜况會稽山水自古絕勝東晉逸  
民多遺身世於此夏五月上人自鑪峯言旋復于是邦  
予知夫拂方袍坐輕舟泝沿鏡中靜得佳句然後深入

空寂萬慮洗然則嚮之境物又其稊稗也鄙人方景慕

集作  
行

企尚之不暇焉

集作  
惡

敢以離羣為歎

送渾淪先生遊南岳序

李遠

予卅歲時遇渾淪於荆溪徒見其山中

疑

巾羽衣有玄

古之貌瞻敬不暇未遑問道倏然一別俄六七年今茲

獻春相訪于練湖之濱藥囊葵杖就館於我參希夷之

旨折萬物之理皆發於全樸冥于大道

集作  
通

非夫人之

為道道烏乎在嘗以郭氏注莊生之書失於脗合萬物

物無不適然則桀鰲鬻戾無非逐性使後學者情然不知所奉因自爲注解并作三十三篇指要佳言精理特出古人之右矣夫然者睹其容則鄙怯無自入聞其言則和易浹於內兩忘所得得之至也既而振拂屨杖超集作冷然遠遊浮洞庭陟廬阜然後揮手人世南登衡山將長往而不返耶或暫遊人間而不可得見之耶予風波之人未脫世累得以愚薄自全靜每造適今日之別在於忘言

送從兄南仲登科後歸汝州舊居序

前人

古者採詩以辯志升歌以發德繫於時風播為樂章有不類者君子羞之今兄能泝其末流詠于深源志之所之不遷於物以為洙泗弟子起予者商而又嘉回之屢空鄙賜之屢中故帶經食力耕於汝山之下環堵蓬茨若廡華棖逸韻麗藻鏘然在聽去歲臨汝守首賢能之書貢于儀曹瞻言正鵠審固則獲前此亦嘗失之矣退

實無愠羸而不置蓋能反諸已而已且用廉賈之道故也今將抵洛郊歷平陽與賢諸侯交歡假道然後自洛之汝燕居中林磅礴古昔務居遠大鶯出幽谷鵬擊南溟將與羣從叔季復修異日之賀豈止於今耶南宮郎有雅知兄者且與德輿為僚徵詩賦別以附其志謹序

送鈕秀才謁信州陸員外便赴舉序

前人

清旭燕居有秀才鈕氏以儒者衣冠訪我於衡門之下

用文一軸與刺偕至訪其行也則曰將抵賢二千石陸  
上饒然後自江而西射策上國且上饒以偉詞邁氣待  
東南之士士至必循分加禮繇是褒衣之徒耻不登其  
門故殿中韓侍御亢直工為直詞嘗貶若以序故臨海  
守李君子從父戶部皆以文義風騷為師友又貶若以  
詩矧夫植文行於內親仁賢於外強學不倦潔已以進  
今茲行也以桂林一枝為已任豈虛也哉辱徵不腆是  
用詞達

送獨孤孝廉應舉序

取士以孝秀二科古道也家有賢者時論多之君子之羣從皆以文藻射策或致位郎署今孝廉又以溫清之餘力行居業業茂行脩西遊太學吾子當集作上第之後衣春服吟舞雩東還南徐拜慶堂下粲粲門子經術發身古人有俯拾地芥之說斯濫觴矣

送興平鄭少府歸上都覲省序 穆 員

凡我東周之遊誰非君子之門吏子之至也惠羣公之



思且惜其去之速子有別墅我為甘棠富清溪翠竹豐  
流鶯密樹比而遐幽而曠美而不華野而不陋用厥羣  
勝甲於東溪四月之節其芳始茂葉成清陰花結朱實  
中林摧籜碧玉呈鮮麥風之秋與輕暑偕至二三子春  
醪夏服於是乎宜之陟則在庭降則在舟湍冷竹韻合  
如簫管時有山鳥雜乎其間羣籟同音俱以留容而嚴  
城暮日與林泉意殊奪我當歡趣子命駕諸公以為他  
日過庭之問一作問次詩禮者其惟吾黨與東溪乎屬事

徵詞實假會文之友况吾子以言以立可久可大作者之意不惟系召南之什宜用緇衣之美副焉

送巴東林明府之任序

歐陽詹

國以人為本縣令親人之親者苟有命授無非慎擇今年執政又加精選自吏曹銓擬仕集作枉而退下者十之

五六濟南林公以始仕之調發研之及請宰一邑天官劇巴東也而使為之平衡無疑鈞軸不轉非輕重質器目以昭如則安可於其難而易若此解褐結綬當時之

盛既受牒恭命而南征

集作濟南

公與予鄉而且故幼而知

公行先鄉曲譽是通閭井之意術以經明

集作明經

升實操

教化之本今有社稷有民人則弓矢入養叔之手徽絃

在師曠之膝何微之不中何妙之不盡去矣無使朱邑

魯恭專美

集作何

是官其餘則巫峽峨峨岷江湯湯水天

下清山天下秀遊盤貴境為池為墉退公暇而

集作多暇

為

我迴睇

### 送鹽山林少府之任序

新授鹽山尉孝廉郎濟南林君脂轄東轅蒞官也鹽山

滄州之屬邑也滄州戎狄接境

集作際

之地國家虞守之

會東南居恃力之卒西北有矜功之衆從事之劇惟天

下先若非機足應權達能通變則不之與也公以二善

而時與之夫騏驥未馳知有致遠之能

集作力

干將未割

知有剗堅之功堂堂林君不假魯試

集作假道試使

嶧桐嶰竹

必中音律勉以能事為邦之光祿者所以食人為國俸

者所以表

集作衣

人贊時予尚知之而君豈不知之苟知

之何往而不利

送常熟許少府之任序

始入仕一有縣尉或中或上或緊銓衡評才若地稱而命之至於緊無得幸而處而緊中之美者尤難以人今年孝廉郎高陽許君授常熟尉者實緊中之美君十三舉明經十六登第後三舉進士皆屈於命去冬以前明經從常調蔭資貴中之乙判居等外之甲既才且地擢以是官夏四月隨牒之官

四字集作隨  
牒之官

玉貌青春芬芳

有舊望棠陰而委質鬱蘭陔以辭親征車麟麟所往在  
目異時九仞由茲一篲在邦猶家也不出於忠信許君  
常以為已任夫何卹哉士之生制四方之志軫念於離  
別非所以為士也行乎哉

送建上人訪陽司業後詣涇原劉行軍序

前人

建上人自茲又集作而西更為故人也至集作正咸山有道

釋子建上人和之淳氣以類合休神遂性曩與少司

成陽公得于林棲公從下風之請斯縻大君之爵同方  
相致殊途且來雖羈鸞冥鴻一飛一籠遐心遠意終共  
超曠遊佛廟賞虛

集作靈

臺湖水片玉光潔再裕來為去

始散實聚終上人故人有在西土曰大夢未覺還宜一

歡陶瓶芒履此馬而往東路看

集作著

首悠然高雲西之

人幾日而覲松栢之本

集作下

無凡草鸞鷲之侶無凡禽

西之人豈陽公之儔歟則

集作則字

覲遇之辰瓊玖之列詩

云可頌德覲於斯其撰之竹帛儻傳俾後之人知貞元

是歲賢人之會二也

送無知上人往五臺山序

無生永存旨不易源綿兮在煩滴兮處渾釋氏子味其實歸其根其教雖傳非言可言惟相似者復到其門無知上人其到門者歟上人從儒至道從道至釋如歷星月以得白日若投集作棄扇翳而灑長風真空洞照熱惱頓盡水其性雲其身周四海以終靜出六合而非寄維揚秋抄方至自閩日未成旬作臺山之適目闕河於不



計擬衣食乎隨施怡如也澹如也以此一作此行逢流得抵

集作抵

虛舟無程峨峨五峯幾日而上登異清涼侶善知

識所至也之至玄之又玄乎予弱冠之年周集作同世諦

之學神不遠逮溺在利名集作名利禮足而別悽然自傷岐

途既殊聊各以行勉哉無知公勉哉歐陽生

### 送李孝廉及第東歸序

明經自漢而還取士之嘉也經也者聖人講善之錄志

立身正家齊國理在乎其中為人之父集作父者莫不欲其

子之明為人之君

集作君者

莫不欲其臣之明明斯行行斯

近則平乎性命遠則成乎政令爾來加取比興屬詞之

流更曰進士則近於古人之立言也為時稍稱其僥倖

浮薄之輩希以無為有雖中乾外矯

集作稿

多捨明趨進

俾去華敦

集作取

實君子惡以真混假含章抱器乎捨進

為明新及第李孝廉則含章抱器捨進為明者暫暫肌

膚松寒玉清以志學升太學以學就升宗伯背文手沾

滯義口占二戴

集作載非工

不往

集作售

皇鄭復來投短書出

長卷精博

集作專

炳煥儔倫裒然聖朝貞元癸丑歲明經

登者不止

集作上

百人孝廉冠其首非獨學勝亦以文聞

則具

集作有

我芳華加之典實不惡夫僥倖浮薄角力於

比興屬詞並失分弓未知鹿死誰手不為也拾青紫之  
有路獻榮名以趨庭長途春光我美多彼噫盡藝而適  
猶有前聞家食非明時相待之意孝廉其志之

### 送洪孺卿赴鄉舉序

三折肱為良醫子五升詞場四遭掎摭是以竊知乎文

則洪氏子舉秀才前後

集作其非

勝負予得而廣

集作度字

夫子

集作天子

黼黻之性加好勤苦之節紡績墳典織組篇什觀

經緯機杼則重錦繡段日日當成今年秋預貢士首薦

五字集作貢士果居首薦

歌庶鳴以飲

集作食為

餓想鵬搏而飾駕金欲

入

集作求

鍛玉將就磨光芒穎耀朝夕以冀迴鴈賓海秋

風落山雖難別離問

集作向

慶無恨中鵠餘矢猶思再發

升冬玄月期會闕下

送族叔行元落第歸廣陵序

族叔行元既射策於主司不合春二月將歸淮南所寓

羣公設祖方獻未酬族

集無此字

叔悄然有不暢之色羣公

亦愕爾而阻歡小子侍觴奉觴而前曰歸好事春美時  
酒樂物叔於三者加同人將之而有未悅豈禮闈失意  
之爲乎昆吾產金荆山產玉自民役巧鎔琢盖多唯干

將和璞有大聞非百鍊則其工

集無工字

良可用歟非三獻

而其寶可

集作乃

真歟苟良苟真不即成不即售適以精

其研稔其實如叔也亦何稽於一邂逅哉若昔之人作

必行動必中則是蘇秦無履穿之歎穽戚無石爛之歌  
孫弘無十上之勤商鞅無再干之勞也知秦而不知否  
知易而不知難是夫人也非所以待乎叔也叔如之何  
叔忻然見卞氏又集作再來之路平歸心納春景安酒意  
四坐以叶千鍾有娛既醉升車秋為到期

送薛大信歸臨晉序

呂 溫

先師曰益者三友吾能得之豈惟直諫多聞而已可以  
旁魄天人談堯舜之道則有吾族凡輩可以根本性情

語顏夷之行則有太原王師簡可以發揚古訓論三代  
之文則有河東薛大信此三君子或道以樂我或行以  
約我或文以博我遭時則有光遁世則無悶其為益也  
不亦大乎大信與予最舊始以孝弟餘力皆學于廣陵  
之靈巖寺雲卷其身討論數歲常見大信述作必根乎  
六經取禮之簡樂之易六字集作禮之簡要詩之比興書之典刑  
春秋之褒貶大易之變化錯落混合崢嶸特立不離聖  
域而逸軌絕塵不易雅制而瓌姿萬變有若雲起日觀

畫成丹霞峯折靈掌無非峻勢皆天光朗映秀氣孤拔  
豈藻飾而削成者哉聖上方欲觀人之文潤色鴻業秉  
筆者如三光得天每賀大信有其時矣無何余被鄉曲  
之譽賦于闕下以文乖時體行失俗譽再為有司所黜  
此時大信亦與計偕知機全高匣及不試昔趙殺鳴犢  
仲尼臨河而逝予之見黜子亦逡巡事雖不同其所感  
一也歲八月以岵岵之戀告予于歸予思古人有處有  
贈乃語之曰吾聞賢者志其大者文為道之飾道為文



之本專其飾則道喪反其本則文存且使不存又何傷  
矣彼邦是堯舜之遺俗唐叔之所理必有忠信如君者  
焉問安之暇可與之處琢磨仁義浸潤道德考皇王治  
亂之迹求聖哲行藏之旨達可以濟乎天下窮可以據  
其光明無為矻矻筆硯間也行矣大信苟非同志勿失  
予言

文苑英華卷七百二十九